



**ACTA DE CONSTITUCION DA MESA PARA A CONTRATACIÓN DE "CAMPAMENTO URBANO DE VERÁN ANO 2014". APERTURA SOBRE C-Nº 3. PROXECTO DE PRESTACION DE SERVIZO.**

Na Casa Consistorial do Concello de Tui e ás trece horas e trinta minutos do día 3 de xuño de 2014, constitúese a correspondente MESA DE CONTRATACION, presidida por D. Moisés Rodríguez Pérez, actuando como vogais, o interventor do concello D. Aitor Iglesias Monzón, a secretaria do concello Dª Irene Suárez López, o animador deportivo municipal D. Diego Fernández López e o concelleiro de facenda e patrimonio D. Marcelino E. Cendón Vázquez, actuando de secretaria da Mesa a funcionaria Dª María Jesús Blanco Martínez.

Con data 28 de maio de 2014 procedeuse pola Mesa de Contratación á apertura do sobre A-nº 1 "Documentación administrativa" da única empresa presentada á licitación "Actividades Lúdicas Galicia, S.L." acordando, por unanimidade, admitir a referida empresa á licitación.

Seguidamente, se procede á apertura do sobre C- nº 3 - Criterios na que a ponderación depende dun xuízo de valor .- Proxecto de prestación do servizo- que contera os aspectos indicados na cláusula 12 do prego de cláusulas administrativas.

Á vista do proxecto de servizo presentado pola empresa Actividades Lúdicas Galicia, S.L., se deriva ao animador deportivo municipal e membro da mesa aos efectos de emitir informe-valoración, que se transcribe literalmente:

**"INFORME TÉCNICO**

**CAMPAMENTOS URBANOS E DEPORTIVOS DE VERÁN TUI 2014. CRITERIOS NOS QUE A PONDERACIÓN DEPENDA DUN XUIZO DE VALOR. PROXECTO DE PRESTACIÓN DO SERVIZO, ATA UN MÁXIMO DE 20 PUNTOS.**

Unha vez revisado o proxecto de prestación do servizo, presentado pola empresa **ACTIVIDADES LÚDICAS GALICIA**, para os **CAMPAMENTOS URBANOS E DEPORTIVOS DE VERÁN TUI 2014**, denominado **"AS MARABILLAS NATURAIS DO NOSO PLANETA"**, se realiza a seguinte valoración:

- **Programación xeral das tres quedas (3 puntos):** *a empresa presenta a programación xeral co horario base do campamento. 2 puntos.*
- **Programación específica de cada quenda, coa temporalización das actividades (3 puntos):** *se presenta a programación específica de cada quenda, coas actividades a realizar en cada unha de elas, e a temporalización das mesmas. 3 puntos.*
- **Metodoloxía a utilizar e fío condutor do campamento (2 puntos):** *a empresa ACTIVIDADES LÚDICAS GALICIA presenta como fío condutor a temática "AS MARABILLAS NATURAIS DO NOSO PLANETA", onde se realizarán actividades en torno as distintas marabillas do planeta, como o Parque Natural do Monte Aloia, o Monte Kilimanjaro, o glaciar Perito Moreno, o Salto do Anxo, a Selva Amazónica, etc., coa realización dun pasaporte de viaxe, e coas distintas actividades a realizar, como xogos de presentación, obradoiros de reciclaxe, obradoiros de cociña do mundo, obradoiros de pintura, actividades multideportivas, musicais, etc. A metodoloxía a utilizar será activa, participativa, dinámica, integradora, non sexista, flexible e lúdica. 2 puntos.*
- **Actividades especiais a realizar en cada quenda (piragüismo, natación, saídas medioambientais), establecidas por tramos de idade (2 puntos):** *a empresa establece actividades de piragüismo para os tramos de idades adecuados, actividades na piscina municipal e saída medioambiental ao Monte Aloia a través dunha actividade de orientación. 2 puntos.*
- **Persoal ao cargo do programa (2 puntos):** *a empresa ACTIVIDADES LÚDICAS GALICIA establece no organigrama da empresa ao cargo dos campamentos un responsable do proxecto, un coordinador da actividade, un socorrista que estará presente sempre que os grupos permanezan na piscina municipal, así como trece monitores con formación en ocio e tempo libre. 2 puntos.*

- **Equipacións do persoal ao cargo do programa (2 puntos):** tal e como establece o proxecto dos *CAMPAMENTOS URBANOS E DEPORTIVOS DE VERÁN TUI 2014*, denominado "AS MARABILLAS NATURAIS DO NOSO PLANETA", presentado pola empresa *ACTIVIDADES LÚDICAS GALICIA*, os monitores terán a súa equipación para que os/as nenos/as poidan diferenciarlos perfectamente e telos localizados en todo momentos. **2 puntos.**
- **Modelo de camiseta a entregar a cada participantes en cada quenda (2 puntos):** a empresa establece que entregárase a cada participante de cada quenda, unha camiseta que levará durante todo o campamento. Para un mellor control dos participantes, distribuiremos aos nenos/as por grupos de idades e cores que se identificarán con unha camiseta correspondente. **2 puntos.**
- **Modelo de enquisa de grao de satisfacción do campamento (2 puntos):** a empresa presenta un modelo de enquisa adecuada para avaliar o servizo prestado pola mesma. **2 puntos.**
- **Modelos de documentos de recollida de nenos/as antes da hora establecida (2 puntos):** a empresa aporta un modelo de documento de recollida dos nenos/as antes da hora establecida adecuada ás necesidades do Concello. **2 puntos.**

Polo tanto, despois de realizar a valoración de cada un dos puntos establecidos no proxecto de prestación do servizo da empresa **ACTIVIDADES LÚDICAS GALICIA**, se establece unha **puntuación total de 19 puntos.**"

A Mesa de Contratación, á vista do informe técnico emitido, acorda:

Acepta-la valoración emitida de xeito que se outorga a puntuación total de 19 puntos á empresa "Actividades Lúdicas Galicia, S.L".

De seguido, ás catorce horas, se estende a presente acta, que trala súa lectura é asinada por tódolos asistentes, do que eu secretaria, dou fe.

A MESA DE CONTRATACION.

O ALCALDE

A SECRETARIA DA MESA

Asdo: Moisés Rodríguez Pérez

Asdo. M<sup>a</sup> Jesús Blanco Martínez

VOGAIS:

O INTERVENTOR

A SECRETARIA DO CONCELLO.

Asdo: Aitor Iglesias Monzón.

Asdo: Irene Suárez López.

O ANIMADOR DEPORTIVO MUNICIPAL

O CONCELLEIRO DE FACENDA E PATRIMONIO

Asdo. Diego Fernández López

Asdo. D. Marcelino E. Cendón Vázquez



**EXCMO. CONCELLO DE TUI**

Praza do Concello, nº 1 – 36700 – Tui

Teléf.: 986 603 625 – Fax: 986 604 148

---

